



COMUNU DE MARACALAGONIS

TZITADI METROPOLITANA DE CASTEDDU

SETORI : **Aministratzioni Generali e Istruzioni Pùblica**

Responsàbili: **Ollosu Enrico**

ORDINÀNTZIA N. **1544**

in sa dii **30/12/2020**

OGETU:

ENTREGA AGIUDUS A IS CUMITAUS E A IS ASSÒTZIUS CULTURALIS FOLCLORÌSTICUS E DE SPETÀCULU PO S'APARICIADURA DE SAGRAS E FESTAS MANIFESTADAS CULTURALIS FOLCLORÌSTICAS E DE SPETÀCULU IN S'ANNU 2020 - APROVATZIONI AVISU PÙBLICU.

SU RESPONSÀBILI DE SU PROCEDIMENTU

Averiguau chi no ddoi funt apitzu suu acontèssius de cunflitu de interessus cun is arricidoris de su provedimentu, cunforma a s'art. 6 bis de sa lei 241/90, ponit asuta de s'aprovatzioni de su Responsàbili de su Setori custa propònnida de determinatzioni, cunfrimendi sa regularidadi de su procedimentu e chi custu e totu est stètiu cumpriu arrespetendi sa disciplina normativa vigenti :

PREMITIU CHI:

✓ Su Statutu Comunali in s'art. 2 tzerriau "Tareas" cumandat chi:

1. *"Su Comunu impellit s'adelantamentu e su progressu tzivili, sotziali e econòmicu de sa comunidadi de Maracalagonis ispiendu-sì a is baloris e a is tareas de sa Costitutzioni.*

2. *Su comunu circat sa cullaboratzioni e sa cooperatzioni cun atrus sugetus pùblicos e privaus e promovit sa partecipatzioni de is tzitadinus a solus, de is assòtzius, e de is fortzas sotzialis e econòmicas a su traballu aministrativu.*

3. *In manera particulari su comunu ispirat sa atzioni cosa sua a custas allegas:*

- a) bogadura de totus is tressas chi arrescint a s'adelantamentu prenu de sa persona umana e s'agualesa de sa genti;
 - b) promovidura de sa cultura de paxi e cooperatzioni internatzionali e de integratzioni razziali;
 - c) recuberamentu, amparu e valorizatzioni de is risorsas naturalis, ambientalis, stòrigas, culturalis e de is costumàntzias localis;
 - d) amparu ativu de sa persona, fundau apitzu de sa solidariedadi sotziali, in cullaboratzioni cun is assòtzius de boluntariu e in su s'ituu de unu sistema integrau de seguresa sotziali;
 - e) barigamentu de dònna discriminatzioni intre mascu e fèmina, puru atruessu s'impèllida de initzaitivas chi assegurint oportunitadis agualis;
 - f) promovidura de is atividadis culturalis, sportivas e de su sbèliu de sa genti, cun unu càstiu particulari bia a is atividadis de sotzializatzioni de piciocheddus e bècius;
 - g) promovidura de sa funtzioni sotziali de s'iniziativa econòmica in dònna setori, puru atruessu de s'apoderamentu de maneras de assòtzius e de cooperatzioni chi assegurint su barigamentu de is diferèntzias econòmicas, sotzialis e territorialis";
- ✓ s'agiudu a is atividadis culturalis e sportivas si pertocat a is cumpetèntzias cosa sua de su Comunu e atruessu de s'entrega de agiudus a is sotziedadis e a is assòtzius localis si persifhint tareas profetosas po cumpriri is tareas istituzionalis de s'Enti de spratzinadura de sa pràtica sportiva e de amparu de sa saludi e de sa biatzesa sotziali, cumentu puru de amparu e promovidura de s'azienda naturali, stòriga, artìstica e culturali, de is amostaduras artìsticas localis e de sa lingua sarda;

BIU s'art. 12 de sa L. 241/90 chi scioberat chi s'entrega de soventzionis, contributus, sussidius, agiudus de dinai e sa entrega de bantaxus econòmicus de calisiat gèneru a personas bia a Entis

Pùblicus e Privaus funt imbordigaus a sa predeterminedazioni e a sa publicazioni po parti de is amministratzionis procedentis, in is maneras prevìdias de is ordinamentus cosa sua, de is critèrius e de is maneras a is calis cussas e totu si depint imbordigai;

BIU su Regulamentu Comunali po sa cumpridura de is disposiduras de s'art. 12 de sa Lei 07.08.1990 n. 241, aprovau cun Deliberatzioni de su Cunsillu Comunali n. 44 de su 01.07.1993 e apustis mudau cun Deliberatzioni de su Cunsillu Comunali n. 13 de su 18.04.2018;

CUNSIDERAU chi su Regulamentu numenau ainnantis no pigat in cunsideru medas allegas de una realidadi culturali comunali chi s'est mudau in su tempus e adelantada bia a maneras de interbènnida chi ainnantis no fiant stètias valutadas;

DONAU ÀUTU chi s'apoderamentu a is atividadis culturalis si fichit aintru de is cumpetèntzias suas de su Comunu e chi atruessu de s'entrega de agiudus a is assòtzius localis si persighint tareas bonas a cumpriri is tareas istituzionalis de s'Enti de sa biatzesa sotzialis cumentis puru de amparu e promovidura de s'asienda naturali, stòrigu, artìsticu e culturali, de amostaduras artìsticas localis e de sa lìngua sarda;

TENTU CONTU chi cun Deliberatzioni de sa Giunta Comunali n. 134 de su 09.12.2020 funt stètias agatadas diretivas specifìcas transidòrias e de màssima, integradoras e chi no bandant cuntra de is normas regulamentaris, po s'entrega de is agiudus econòmicus de entregai a is Cumitaus e a is Assòtzius Culturalis, Folclorìsticas e de Spetàculu, po is atividadis fatas in su sítu culturali, musicali, folclorìsticu e de spetàculu in s'annu 2020;

DONAU ÀUTU chi apustis de sa delìbera numenada ainnantis, sa spratzidura de su dinai postu a disposidura de s'Aministratzioni Comunali at a depi èssiri fata agatendi critèrius chi favoressant:

- Is atividadis de Assòtzius e/o Cumitaus chi traballant in is annus e cun cumpetèntzia in su territòriu;
- Manifestadas sighias in is annus e oramai asienda culturali de su territòriu;
- Sa pompiadura de sa contributzioni de su Comunu castiendi a is spratziduras de su dinai fatas in is annus passaus;

CUNSIDERAU in prus de depit pompiai beni a menti:

- Cussas manifestadas chi assegurant unu momentu de assòtziu po sa genti e siant de insullu mannu po sa parti turìstica e de imàgini po su Comunu;
- Cussas manifestadas apariciadas de assòtziu e/o cumitaus localis puru aforas de sa bidda cunforma a s'importu chi cussas tenint chistionendi de rapresentàntzia de is baloris identitàrius e culturalis de sa comunidadi locali;
- De iniziativa particularis, fatas puru aforas de su sítu comunali, chi bolint favoressi sa cullaboratzioni, sa solidariedadi, sa sotzializatzioni e su cuncàmbiu culturali intre comunidadis diferentis;

CUNSIDERAU chi su dinai distinau a sa spratzidura de agiudus po is atividadis culturalis, musicali, folclorìsticas e de spetàculu fatas in s'annu 2020, ant a depi èssiri spratzias sighendi custus critèrius:

- a) Cun sa tarea de pompiai bias is costumàntzias culturalis, religiosas e identidàrias de sa comunidasdi at a èssiri pompiada aici cumentis est sa entrega de dinai de is annus passaus po is Cumitaus de is festas tzivilis e religiosas, chi ant traballau, in ocasioni de is festividadis numenadas innoi asuta:
- **Festa de Santu Gregori**, chi si fait intre sa prima e sa segunda cida de maju de dònna annu, agiudu de donai no prus mannu de su 80% de is gastus tentus e amìtias po unu màssimu de € 1.200,00;
 - **Festa de sa Madonna d'Itria** chi si fait intre s'ùrtima cida de maju e se segunda cida de Làmpadas dònna annu, agiudu de donai no prus mannu de su 80% de is gastus tentus e amìtius, po unu màssimu de € 2.500,00;
 - **Festa de Santu Stèvini** chi si fait in sa prima cida de mes'e argiolas de dònna annu, agiudu de donai no prus mannu de su 80% de is gastus tentus e amìtius, po unu màssimu de € 3.500,00;
 - **Festa de Santu Asili** chi si fait in s'ùrtima cida de austu dònna annu, agiudu de donai no prus mannu de su 80% de is gastus tentus e amìtius, po unu màssimu de € 2.500,00;
 - **Festa de Santa Luxia**, chi si fait su 13 de mes'e Idas dònna annu, agiudu de donai no prus mannu de su 80% de is gastus tentus e amìtius, po unu màssimu de € 750,00;

A pustis de acòrdiu cun is assòtzios/cumitaus, numenaus apitzu, s'agiudu econòmicu chi ddis tocat at a podi èssiri arremprasau, cun pedidura specìfica, cun sa còmpora de unu spetàculu po parti de s'Assòtziu *EE. LL. per lo Spettacolo - Circuito Pubblico* de sa Provìntzia de Casteddu, po su pròpiu tanti de s'agiudu màssimu chi si podit donai e cun su nùmeru màssimu de spetàculus chi si podint comporai scioberau de sa Tzitadi Metropolitana de Casteddu.

- b) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzios cun sedi legali o operativa in su territòriu - de unu tempus de a su mancu tres diis, fatas cun arrennèsca po a su mancu tres editzionis - arrespetendi totus is cunditzionis: agiudu chi si podit donai no prus mannu de su 80% de is gastus tentus e amìtius, po unu màssimu de € 2.500,00;
- c) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzios cun sedi legali o operativa in su territòriu - de unu tempus de prus pagu de tres diis, fatas cun arrennèsca po a su mancu tres editzionis - arrespetendi totus is cunditzionis: agiudu chi si podit donai no prus mannu de su 80% de is gastus tentus e amìtius, po unu màssimu de € 2.000,00;
- d) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzios cun sedi legali o operativa in su territòriu - de unu tempus de a su mancu tres diis, fatas cun arrennèsca po a su mancu una editzioni ainnantis - arrespetendi totus is cunditzionis: agiudu chi si podit donai no prus mannu de su 80% de is gastus tentus e amìtius, po unu màssimu de € 1.500,00;
- e) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzios cun sedi legali o operativa in su territòriu - de unu tempus de prus pagu de tres diis, fatas cun arrennèsca po a su mancu una editzioni ainnantis -

arrespetendi totus is cunditionis: agiudu chi si podit donai no prus mannu de su 80% de is gastus tentus e amìtius, po unu màssimu de € 1.000,00;

- f) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzius cun sedi legali o operativa in su territòriu - mai fatas ainnantis e de unu tempus de no prus pagu de duas diis, arrespetendi totus is cunditionis: agiudu chi si podit donai no prus mannu de su 80% de is gastus tentus e amìtius, po unu màssimu de € 750,00;
- g) Manifestadas musicalis, teatralis, folclorìsticas, culturalis e de spetàculu, sagras, festas de bidda fatas de Assòtzius cun sedi legali o operativa in su territòriu - mai fatas ainnantis, arrespetendi totus is cunditionis: agiudu chi si podit donai no prus mannu de su 80% de is gastus tentus e amìtius, po unu màssimu de € 500,00;
- h) Cunvegus, cunferèntzias, presentadas de obras chi pertochint a sa stòria, sa cultura, is costumàntzias e s'economia de Maracalagonis - agiudu chi si podit donai no prus mannu de su 80% de is gastus tentus e amìtius, po unu màssimu de € 400,00;
- i) Iniziativas musicalis, teatralis, folclorìsticas e atras culturalis e/o de spetàculu, sagras e festas de bidda fatas de Assòtzius chi tenint sa sedi legali in su territòriu comunali, fatas aforas de su comunu, apariciadas cun sa tarea de favoressi sa cullaboratzioni, sa solidariedadi, sa sotzializatzioni e su cuncàmbiu culturali intre is comunidadis diferentis - agiudu chi si podit donai no prus mannu de su 80% de is gastus tentus e amìtius, po unu màssimu de € 750,00;
- j) Iniziativas musicalis, teatralis, folclorìsticas e atras culturalis e/o de spetàculu, sagras e festas de bidda fatas de Assòtzius chi tenint sa sedi legali e funt operativas aforas de su territòriu comunali, fatas aintru de su comunu, chi bolint favoressi sa cullaboratzioni, sa solidariedadi, sa sotzializatzioni e su cuncàmbiu culturali intre medas comunidadis, agiudu chi si podit donai no prus mannu de su 80% dse is gastus tentus e amìtius po unu màssimu de € 500,00;
- k) de scioberai sa entrega de unu agiudu specìficu in su trèmini màssimu de € 5.000,00 a profetu de s'*Associazione Musicale Culturale Santo Stefano di Maracalagonis*, po is arresonis postas in sa premissa e arrespetendi su Regulamentu Comunali po sa cumpridura de is disposiduras de sart.12 de sa Lei n. 241 de su 07/08/1990 aprovau cun Deliberatzioni de su Cunsillu Comunali n. 44 de su 01/07/1993, mudau apustis cun Deliberatzioni de su Cunsillu Comunali n. 13 de su 18/04/2018, scapiau de is critèrius numenaus innoi asuba, cun sa seguràntzia de sa cumpridura de a su mancu 7 (seti) manifestadas cuncertìsticas pùblicas cuncordadas cun s'Aministratzioni a pustis de una pedidura furmali, aturendi sempri bonu cussu cuncordau po cussu chi pertocat a sa presentada de sa dimanda, a sa rendicontatzioni e a sa genia de is gastus chi ant a èssiri unsideraus bonus de amiti;

TENTU CRARU CHI:

- ✓ In acotèssiu chi unu assòtziu apariciadori de unu eventu culturali, folclorìsticu o de spetàculu si alliongìt a un'atru assòtziu po traballai imparis aparicendi su matessi eventu, at a benni donada una amanniadura de su 10% a s'agiudu chi tocat a s'assòtziu apariciadori;
- ✓ In acotèssiu chi a unu assòtziu apariciadori de unu eventu culturali, folclorìsticu o de

spetàculu si alliongint a su mancu tres assòtzius po traballai impari aparicendi su matessi eventù, at a benni donada una amanniadura de su 25% de s'agiudu chi tpcat a s'assòtziu apariciadori;

- ✓ A is Assòtzius chi entreghint prus de una pedidiura, chi pertocant a s'apariciadura de medas manifestadas, no at a podi èssiri donau unu tanti prus mannu de € 3.500,00 cumenti summa de is agiudus chi ddi potzant tocai po totus is manifestadas apariciadas;
- ✓ Cun sa tarea de podi gosai de is afiudus prevìdius in custu àutu totus is genias de manifestadas numenadas innoi apitzus depint èssiri cuncordadas ainnantis cun s'Aministratzioni Comunali;
- ✓ Totu su materiali publicitariu de s'eventù at a depi tenni su logo de su Comunu e sa decraratzioni specifìca chi cunfrimat chi sa manifestada est stètia fata cun s'agiudu de su Comunu de Maracalagonis - Assessorau Cultura, Sport e Spetàculu;
- ✓ Po manifestadas culturalis e de spetàculu si cunsiderant totus is iniziativaas musicalis, teatralis, folclorìsticas e atras culturalis e/o de spetàculu, sagras e festas de bidde, e intzaras puru sa cumpridura de cursus, laboratòrius, stage, ecc pensaus po sa popolatzioni chi s'ant a serrai cun s'apariciadura de unu eventù, cumenti amostaduras, espositzionis, sàgius, cunferènzias, ecc.

In s'acontèssiu chi su dinai scioberau po sa entrega de is agiudus po is manifestadas numenadas in is lìteras de a) finsas a j) no siant bastanti po entregau s'agiudu màssimu chi si podit donai, cussas e totu ant a èssiri spratzias de manera proporzionali castiendi su nùmeru e sa genia de dimanda de agiudu lòm pia regularmenti e amìtia a su gosu de su benefìtziu.

DONAU ÀUTU chi in s'acontèssiu chi no bèngiat impreada nisciuna suma de dinai in su Balanzu de Prevididura finanziàriu de cumpetèntzia, **no s'at a sighiri ainnantis cun s'entrega de is agiudus econòmicus;**

TENTU CRARU chi po is tareas de sa licuidatzioni de s'agiudu entregau **ant a èssiri cunsideraus amitìbilis** sceti cussus gastus chi ant a parri netzessàrius e cun sentidu, o de dònna manera chi si potzant giustificai po sa cumpridura de sa manifestada, mancarì cumproadas de billetus giustificadoris bàlidus fiscalmenti (faturas, arricidas fiscalis - is scontrinus fiscalis ant a depi èssiri acumpangiaus de manera obligatòria de fatura o de arricida fiscalis, deghinò ant a èssiri cunsideraus cumenti no bàlidus) - chi pertocant a:

- a) s'allogu de aposentus, impiantus o struturas sedi de s'atividadì, de iniziativaas o manifestadas aundi cussas e totu ant tentu logu e sceti po is diis netzessàrias diaderus po sa cumpridura de cussas;
- b) luxi, àcua, telèfonu, callentamentu, coidu de is aposentus e asseguratzionis chi pertocant sceti a s'impiantu o strutura aundi is manifestadas ant tentu logu e sceti po is diis netzessàrias diaderus a sa cumpridura de cussas;
- c) aparìciu de is aposentus, impiantus o struturas - alaxus, scenografias, obras gràficas, aconciaduras, sconciaduras;
- d) còmpera de trastus, echipagiamentus, e materiali diferenti de impreu;
- e) nolitu de trastus e cosas tènnicas o artìsticas;

- f) còmpora de publicatzionis, rivistas, audovisivus e nolitu imbordigau;
- g) imprenta de àutus, documentus, publicatzions, rivistas e apariciadura de audovisivus o giassus digitalis;
- h) gastus po impostas, tassas e deretus de autori;
- i) gastus po sa publitzidadi e spratzinadura de s'atividadi, iniziativa o manifestada;
- j) cumpensus ufizialis po relatoris, cunferentzieris, artistas, trumas artìsticas, ecc,
- k) gastus de viàgiu e de arricida (papòngiu e allogu) po relatoris, cunferentzieris, artistas, trumas artìsticas no residentis, sceti po is diis netzessàrias diaderus po sa cumpridura de sa manifestada, iniziativa e/o eventù;
- l) arrembursu de is gastus de viàgiu, papòngiu e allogu de artistas e apariciadoris, sceti in su nùmeru netzessàriu e de atrus faidoris materialis de is iniziative e/o manifestadas sceti po is diis netzessàrius diaderus po sa cumpridura de cussas e totu;
- m) atividadi fata de personali dipendenti, boluntàriu o incarrigau.

SCIOBERAU chi, cun sa tarea de permiti una programatzioni regulari de sa frunidura de is agiudus, is Cumitaus e is Assòtzius interessaus, funt cumbidadas, atruessu de avisu pùblicu, a presentai is dimandas po s'entrega de is agiudus cun sa tarea de apariciai su programa de is manifestadas. Sa pedidura de agiudu **no ocasionat de manera automàtica nisciunu deretu a s'arricida de cussu;**

BIA sa Deliberatzioni de su Cunsillu Comunali n. 46 de su 01.10.2001 de imbordigamentu a s'Assòtziu *EE.LL. per lo Spettacolo – Circuito Pubblico della Provincia di Cagliari* (imoi tzerriau *Enti Locali per le Attività Culturali e di Spettacolo*);

CUNSIDERAU de depi s'ighiri ainnantis po s'aprovatzioni de s'Avisu Pùblicu chi pertocat a s'arricidura de is dimandas impari cun totu sa modulìstica po sa pedidura de entrega de is agiudus, amostada rispetivamente asuta de is nùmerus 1,2,3,4,5,6,7,e 8-----,

ARREGORDADAS:

- sa deliberatzioni de Cunsillu Comunali n. 72 de su 27.12.2019, chi at aprovau su DUP, Documentu Ùnicu de Programatzioni, tempus 2020/2022;
- sa deliberatzioni de Cunsillu Comunali n. 73 de su 27.12.2019, cumpridora me is trèminis de lei, chi at aprovau su Balanzu de prevididura po s'esercìtziu 2020/2022;
- sa deliberatzioni de sa Giunta Comunali n. 52 de su 15.05.2020 chi at aprovau s'Organigrama e Funtzionigrama de s'Enti;
- sa deliberatzioni de sa Giunta Comunali n. 99 de su 14.09.2020 chi at aprovau su Pianu Esecutivu de Gestioni (PEG) po s'esercìtziu 2020/2022 e su Pianu de sa Performance annualidadi 2020;

PIGAU ÀUTU chi cunfroma a cussu scioberau me is artt. 4 e 5 de sa Lei n. 241/1990 e

ss.mm.ii., est stètiu agatau cumenti Responsàbili de su Procedimentu sa Dot.ssa Cristina Porceddu;

BIU su Decretu Sindacali n. 15 de su 1.12.2020 de numenada de is Responsàbilis de is ufizius e de is servìtzios chi previdit chi in acontèssiu de ausèntzia de su Responsàbuli de su de III Setori - Amministratzioni Generali e Istruzioni Pùblica is funtzionis vicàrias funt stètias entregadas a su Responsàbili de su I Setori Econòmicu Finanziàriu, Servìtzios Demogràficus e Risorsas Umanas, Dot. Enrico Ollosu;

BIUS

- Su D. Lgs. n. 267/2000, cumenti mudau e integrau de sa L. 145/2018;
- Su Statutu Comunali;
- Su Regulamentu Comunali po sa cumpridura de is disposiduras de s'art. 12 de sa Lei 241/90;

PROPOSITA SU RESPONSABILITÀ DE SU SETORI

DE DONAI ÀUTU chi is premissas faint parti integranti e de fundòriu de custu àutu;

DE APPROVAI s'Avisu Pùblicu impari cun sa modulistica (allongiada a custu àutu po ndi fai parti integranti e de fundòriu), po sa pedidura de cuncessioni de is agiudus econòmicus po s'apariciadura de manifestadas culturalis, musicalis, folclorìsticas e de spetàculu fatas in s'annu 2020, marcaus rispetivamente cumenti Alliongiaus 1), 2), 3), 4), 5), 6), 7), 8);

DE PUBLICAI s'Avisu Pùblicu in su giassu Internet istituzionali de su Comune in sa setzioni "*Amministrazione Trasparente*" - *Contributi, Sovvenzioni, sussidi, vantaggi economici* - critèrius e maneras cunforma a s'art. 26 commas 2 e 3 de su D. Lgs. 33/2013;

DE PONNI sa scadèssira de sa presentada de is pediduras po sa entrega de agiudus econòmicus chistionaus aintru de sa dii **28.02.2021**;

DE SCIOBERAI chi s'entrega de is agiudus econòmicus chi tocat a donniunu at a acontèssiri cun àutus benidoris po totus is eventus/manifestadas programaus po s'annus 2020;

DE DONAI ÀUTU chi s'at a fai apustis sa pigada in càrrigu de is dimandas de entrega de is agiudus, a s'arricidura de is àutus de imbordigamentu e de is licuidatzionis de gastu a norma de regulamentu e direttivas vigentis, po su tanti imbordigau e postu a disposidura in su Balanzu de Prevididura Finanziàriu 2020/2022 in s'esercìtziu aundi aturat sa esigibilità, a pustis de s'arricidura po parti de custu Setori de sa rendicontazioni giustificadora chi amostat sa cumpridura regulari de is manifestadas;

DE SCIOBERAI chi, in s'acontèssiu chi su dinai chistiu po sa frunidura de is agiudus po is manifestadas de is literas de inantis de a) finsas a j) no siant aici medas po entregai s'agiudu màssimu chi si podiat donai, cussas e totu ant a èssiri spratzias de manera proportzionali castiendi su nùmeru e sa genia de dimanda de agiusu lòmpias de manera regulari e amítias a su gosu de su benefìtziu.

DE SCIOBERAI puru chi in s'acontèssiu chi **no bèngiat entregada nisciuna suma de dinai**

in su Balanzu de Prevididura, no s'at a sighiri a innantis cun sa entrega de is agiudus econòmicus de custu avisu pùblicu;

DE DONAI ÀUTU chi is pediduras lòmpias ainantis de sa publicatzioni de s'avisu no ant a èssiri castiadas e ant a depi èssiri torradas a presentai, e chi sa pedidura de entrega de s'agiudu econòmicu straordinàriu chi s'est chistionau, **no entregat de manera automàtica nisciunu deretu de arricida de cussu e totu;**

DE DONAI ÀUTU chi custa determinatzioni no benit imbiada a su Setori I - Econòmicu-Finanziàriu, Servìtzius Demogràficus e Risorsas Umanas, po sa marcadura de su vistu de regularidadi contàbili chi cunfrimat sa crobetura finanziària poita s'àutu no ocasionat s'assuntzioni de s'impìnniu de gastu;

DE DONAI ÀUTU chi custa determinatzioni:

- Tenit eficatzidadi de su momentu de sa posta de su vistu de regularidadi tènnica po parti de su Responsàbili de su de III Setori Amministratzioni generali e Istruzioni Pùblica poita s'àutu no ocasionat nisciunu impìnniu de gastu e no benit imbiadu a su Setori I - Econòmicu-Finanziàriu, Servìtzius Demogràficus e Risorsas Umanas;
- Benit publicada in s'Albu Pretòriu on line de s'Enti cun tareas de publicidadi e de trasparèntzia;
- Bandat fichia in su registru generali de is determinatzionis;
- Benit posta a disposidura in furmau digitali atruessu de sa fichidura in su Server de s'Enti cunforma a s'art. 53 de su Regulamentu apitzu de s'Ordinamentu de is Ufìtzius e de is Servìtzius aprovau cun Deliberatzioni de sa Giunta Comunali n. 54 de su 22/05/2019.

SU RESPONSABILI DE SU PROCEDIMENTU

Dot.ssa Cristina Porceddu

SU RESPONSABILI DE SU SETORI

CASTIAU su documentu istrutòriu chi antètzipat apariciau de su Responsàbili de su procedimentu;

ARREGORDADA sa normativa vigenti in matèria;

DONAU ÀUTU de s'arresultau de s'averiguadura prebennidora de regularidadi amministrativa fata po parti de su sutascritu;

DETÈRMINAT

DE APROVAI sa propònnida de determinatzioni innoi apitzu fendiddi cumentu cosa sua arresoni e dispositivu, chi innoi si intendint contaus e scritus de manera intrea.

DE DECRARAI s'insussistèntzia apitzu suu de ipòtesis de cunflitu de interessus cunforma a s'art. 6 bis de sa lei 241/90.

DE CUNFRIMAI sa regularidadi tènnicam donendi àutu de sa currigidura de su traballu amministrativu, cunforma e po is efetus de cussu chi narat s'art. 147 bis de su D.Lgs. 267/2000.

SU RESPONSÀBILI DE SU SETORI

Dot. Enrico Ollosu